

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLjENjE

po zahtjevu privrednog subjekta «UNIQA Osiguranje» d.d. Sarajevo, u vezi obaveze prijave namjere koncentracije

Sarajevo, juni 2011. godine



Broj: 01-26-7-06-3-I/11
Sarajevo, 08.06.2011. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), a na zahtjev privrednog subjekta «UNIQA Osiguranje» d.d. Sarajevo, Obala Kulina bana 19, 71000 Sarajevo, Bosna i Hercegovina, zaprimljenog od strane Konkurencijskog vijeća dana 20.04.2011.godine pod brojem: 01-26-7-06-I/11 Konkurencijsko vijeće na 15. (petnaestoj) sjednici održanoj 08.06.2011. godine, daje

MIŠLJENJE

Privredni subjekt «UNIQA Osiguranje» d.d. Sarajevo, Obala Kulina bana 19, 71000 Sarajevo, (u daljem tekstu: „UNIQA“ ili Podnosilac zahtjeva), podnio je dana 20.04.2011.godine, Zahtjev Konkurencijskom vijeću, zaprimljen pod brojem: 01-26-7-06-I/11, za davanje mišljenja o obavezi prijave namjere koncentracije u slučaju prijenosa portfelja ugovora o životnom osiguranju.

U zahtjevu je navedeno da privredni subjekt „UNIQA“ namjerava izvršiti preuzimanje aktivnog portfelja životnog osiguranja od privrednog subjekta LOK Osiguranje d.d. Sarajevo, Branilaca Sarajeva 17, 71000 Sarajevo (u daljem tekstu LOK Osiguranje) na način i pod uslovima propisanim Zakonom o društvima za osiguranje u privatnom osiguranju („Službene novine Federacije BiH“, br.24/05 i 36/10), a u skladu s odobrenjem Agencije za nadzor osiguranja Federacije BiH.

Podnosilac zahtjeva smatra i navodi u istom da prijenos portfelja ne predstavlja niti jednu radnju propisanu Zakonom o privrednim društvima (Službene novine Federacije BiH, br.23/99, 45/00, 2/02, 6/02, 29/03, 68/05, 91/07, 84/08, 88/08 i 7/09), koje se tiču statusnih promjena privrednog društva, koje su kao takve propisane i u članu 12. Zakona o konkurenciji.

Na zahtjev Konkurencijskog vijeća, dana 27.05.2011. godine pod brojem: 01-26-7-06-2-I/11, Podnosilac zahtjeva dostavio je između ostalih i podatke o vlasničkoj strukturi privrednog subjekta „UNIQA“, gdje je navedeno da je većinski vlasnik ovog privrednog subjekta „UNIQA International Wien“, Austrija, sa 99,8362% udjela, dok mali dioničari učestvuju sa 0,163%.

Podnosilac zahtjeva navodi da je osnivač i 100% vlasnik subsidijarnih društava: „UNIQA Assistance“ doo Sarajevo, Obala Kulina bana 19, 71000 Sarajevo, „UNIQA Agent“ doo za zastupanje u osiguranju Sarajevo, Obala Kulina bana 19, 71000 Sarajevo i „UNIQA Agent“ doo za zastupanje u osiguranju Banja Luka, Jevrejska 99, 78000 Banja Luka.

Prema podacima iz Zahtjeva većinski vlasnik privrednog subjekta „LOK Osiguranje“ sa udjelom od ¹(.)** % je privredni subjekt „LOKINVEST“ doo Sarajevo, Skenderija 13, 71000 Sarajevo, dok je učešće malih dioničara (.)** %.

¹(.)** podaci predstavljaju poslovnu tajnu

U Zahtjevu je navedeno da portfelj životnog osiguranja koji UNIQA namjerava preuzeti od LOK Osiguranja sa stanjem na dan 31.12.2010. godine predstavlja aktivni portfelj životnog osiguranja LOK Osiguranja ukupno osigurane sume od (..)** KM.

Podnosilac zahtjeva u istom navodi da je u 2010. godini u Bosni i Hercegovini ostvario bruto premiju u iznosu od 35.279.956,00 KM, dok je privredni subjekt LOK Osiguranje na istom tržištu ostvario bruto premiju u iznosu od 312.251,00 KM.

Članom 15. stav (1) tačka b) Zakona, utvrđena je kategorija ukupnog prihoda u slučajevima kontrole koncentracija u osiguravajućim društvima.

Članom 14. stav (1) Zakona utvrđeno je da su privredni subjekti namjeravanu koncentraciju, iz člana 12. stav (1) Zakona, obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i
- b) da ukupan godišnji prihod svakog od najmanje dva učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio na relevantnom tržištu veći od 40%.

Budući da u ovom slučaju nisu ispunjeni uslovi iz člana 14. stav (1) tačka b) Zakona, ne postoji obaveza podnošenja predmetne prijave namjere koncentracije.

Ovo mišljenje je dato isključivo na osnovu podataka navedenih u Zahtjevu i dopuni Zahtjeva, privrednog subjekta "UNIQA", za davanje mišljenja Konkurencijskog vijeća, te ukoliko isti odstupaju od stvarnog činjeničnog stanja, moglo bi imati za rezultat davanje drugačijeg mišljenja.

Predsjednik

dr Stjepo Pranjic